

嘉慶延安府志

延安府志卷四十八

刑略五

五軍道里

凡軍流之犯者一曰附近二曰近邊三曰邊遠四曰極邊  
五曰烟瘴

附近二千里流至山東濟南府屬歷城等縣並泰安府屬  
肥城等縣

三流道  
里表

近邊二千五百里流至山東萊州府屬高密等縣三千里  
流至山東東昌府堂邑等縣

三流道  
里表

邊遠三千里編發東至山東青州府益都昌樂二縣又至

萊州府濰縣南至湖北漢陽府黃陂漢陽二縣西至甘肅

甘州府山丹縣北至抵邊不足三千里

五軍道里表

極邊四千里編發東至浙江嘉興府石門縣又至杭州府

仁和錢塘二縣南至湖南長沙府長沙善化湘潭三縣西

至甘肅安西府淵泉縣北至抵邊不足四千里

五軍道里表

烟瘴四千里編發廣東廉州府合浦靈山欽州三州縣貴

州貴陽府龍里縣又至平越府平越縣

五軍道里表

充徒道里

膚施縣在城金明驛東至

八十里

千谷驛

八十里

文安驛

九十里

奢延驛

七十里

石嘴驛

七十里

青陽驛

六十里

義合驛

南至

九十里

里 撫安驛 九十里 卹城驛 七十里 三川驛 七十里 狄道驛 七十里 雲

陽驛 九十里 漆水驛

安塞縣東至 四十里 金明驛 八十里 千谷驛 八十里 文安驛 九十里

奢延驛 七十里 石嘴驛 七十里 青陽驛 六十里 義合驛 西至 一百

八十里 園林驛 南至 四十里 金明驛 九十里 撫安驛 九十里 卹城

驛 七十里 三川驛 七十里 翟道驛 七十里 雲陽驛

甘泉縣在城撫安驛南至 九十里 卹城驛 七十里 三川驛 七十里

狄道驛 七十里 雲陽驛 九十里 漆水驛 七十里 順義驛 北至 九

里 金明驛 八十里 千谷驛 八十里 文安驛 九十里 奢延驛 七十里 石

嘴驛 七十里 青陽驛

保安縣在城四林驛東至二十里 金明驛里八十 千谷驛里十八

里 文安驛里六十 奢延驛

安定縣東南至一百六十里 金明驛里九十 撫安驛里九十 鄜城驛

里七十 三川驛里七十 伏道驛 東北至一百里 奢延驛里七十 石

嘴驛里七十 青陽驛里八十 圓川驛里九十 魚河驛里八十 榆林驛

宜川縣西至二百八十里 撫安驛里九十 鄜城驛里七十 三川驛

北至二百三十里 千谷驛里八十 文安驛里九十 奢延驛里七十 石嘴

驛

延長縣西至七十里 千谷驛 西南至八十里 金明驛里九十 撫

安驛里九十 鄜城驛里七十 三川驛里七十 伏道驛里七十 雲陽驛

東北至

里八十

文安驛

里九十

奢延驛

里七十

石嘴驛

里七十

青

陽驛

里六十

義合驛

里六十

河西驛

延川縣西至

里三十

文安驛

里八十

千谷驛

里八十

金明驛

里九十

撫安驛

里九十

鄜城驛

里七十

三川驛

里七十

狄道驛

北至

里十三

文安驛

里九十

奢延驛

里七十

石嘴驛

里七十

青陽驛

里六十

義

合驛

里六十

河西驛

又青陽驛

園川驛

里八十

園川驛

定邊縣南至

里三百

入

園林驛

里一百

二

金明驛

東南至

里七十

奢延驛

靖邊縣東至

里四百

一

榆林驛

南至

里二百

四

撫安驛

里九十

鄜城驛

里七十

三川驛

延安府志卷四十九

工略六

公廨

延安府署 在府城小東門內明洪武中建屢經兵燹兼大水後多圯時加增修

國朝康熙四十二年知府吳存禮捐貲重修嘉慶四年知府洪蕙捐廉重修大堂二堂儀門大門東西科房週圍墻垣並添建捲棚三間創建書房十二間需費五千餘金府獄在大門內西邊乾隆五十三年知府洪蕙捐廉重建共房屋十九間週圍墻垣二道需費五百餘金

清軍同知署 順治十年缺裁後署廢

管糧同知署 明崇正中缺裁後署廢

安邊理事同知署 在安邊堡

理刑廳署 康熙中缺裁後署廢

經歷司署 雍正二年缺裁後署廢

照磨司署 在府署東

司獄司署 缺裁後署廢

稅課司署 缺裁後署廢

貢資館 在

土地祠 在府大門左



火器庫 今燬

陰陽醫學 俱在府門外今燬

僧綱司 在城東萬佛寺

道紀司 在城內城隍廟

學使院 舊在北門內街之西巷今燬

察院 在北街東今爲學使試士處

養濟院 在城南一里今燬

鄉約所 在府治前今燬

馬政院 在城南一百步明正德間督理馬政都御史楊

一清檄行知府王彥奇建今燬

鼓樓 在府城中康熙十八年知府陳天植捐貲重修經地震塌損康熙五十六年知府楊宗澤重新建置內祀魁星乾隆十八年破損貢生党永祺約紳士捐貲修葺乾隆六十年破損知府洪蕙捐廉修葺

鐘樓 在嘉嶺山古塔之旁乾隆五十四年知府洪蕙捐廉重修

延安衛署 在鼓樓街東順治十五年缺裁後署燬

延安管叅將署 在府城

城守營都司署 在府城

鎮城中營守備署 在

左營守備署 在

右營守備署 在

俱見府冊

膚施縣署 在府城東關門內明洪武六年建兵燬今在府城隍廟街

典史署 在縣治東

安塞縣署 舊在城中東偏爲歷代故基元至正中肇修明洪武中增修嘉靖隆慶中知縣韓弼王尚賢復修萬歷中知縣方盡美丁允中相繼修葺崇正初兵燬止餘後宅五楹十四年知縣朱敏直依舊三堂址作舍三楹國朝順治四年知縣黃瑤前加三楹名曰五美堂更立東西

房二所以居得吏乾隆二十年大水頽圯知縣倪嘉謙  
移置今所凡前堂五楹後堂五楹內宅一所書房一所  
寅賓館一所俱在後堂之右大門儀門東西角門六房  
東西共六所倉房一所櫃房一所東西差房各一間

土地祠 在大門外東偏

縣獄 在大門東偏

申明亭 在縣署東倉前知縣狄啟冬建

典史署 在縣西偏

察院 在舊城內街中置上下二所坐西向東堂廡門廚  
詳悉周備兵火之餘瓦礫山積憲司巡歷往來縣中就

旅舍爲駐車之所

俱見縣志

甘泉縣署 在城內東偏壬丙向明洪武七年建正統十二年重修崇正末遭流寇兵火殘毀無存

國朝順治十一年知縣余明葵闢草萊構茅檐以居後二年始立堂于舊址規模粗備至康熙雍正年間知縣劉汝埴高有基吳敦儉歷任隨時補葺後日久傾圮乾隆四十一年知縣玉星燭全行折易捐俸重修凡大堂三間二堂三間內署三間儀門三間大門三間添建內署左右耳房三間院前厦房二間院外廚房三間二堂前樂春亭二間東偏門房三間南書房二間西偏北軒三間

後餘房三間大堂前書吏房十二間三班各役房三間  
大門前內照牆一面街前石砌鞏門一座外照牆一面  
縣獄 舊在縣治西墻外雍正年間知縣吳敦儉移于縣  
大門內西南隅男監三間女監二間歲久朽壞乾隆四  
十年知縣王星燭詳準領項重修并建獄神祠並拜亭  
各一間內監三門外監大門一間禁卒廩房二間

申明亭 在東倉南乾隆十八年知縣馮士鑄建乾隆四  
十二年知縣王星燭重修

養濟院 在西城內乾隆二年知縣吳敦儉建正房三間  
二十九年知縣汪永聰修今燬四十二年知縣王星燭

捐貲重修

典史署 在縣治東雍正十年典史朱元祿修內宅五間  
東厦房三間門廬一間乾隆二十二年典史朱文龍建  
西房三間廚房一間馬棚二間添建厦房二間俱多傾  
圯乾隆四十一年典史趙萬興捐貲重修未竟典史李  
林接任又修

俱見  
縣志

保安縣署 在縣城中街北明洪武中創建崇正辛未兵  
燬知縣黎昌期權移治南門甕城樓知縣袁英建正堂  
三間內署三間中庭三間

國朝順治五年知縣張嗣賢增建後堂三間吏隸房各六間

儀門角門大門俱全嘉慶四年知縣高履方重修

縣獄 在縣

養濟院 在縣城外天壽寺前今廢

典史署 在縣署東

安定縣署 在城內正西街元大德五年創建明洪武中

重修嘉靖中知縣曹銘又修

國朝順治中知縣李嘉允康熙中知縣張洪謨蔣尚翊廖均

施成澤皆重修凡大堂五間左右列六房並承發庫櫃

房共十三間儀門三間左右角門各一間大門三間右

爲土地祠祠右爲寅賓館今暫舍後爲宅門二堂三間



左右庫房各一間三堂三間改築爲中樓又升爲層臺  
大樓左右廂房各三間樓右建宅爲前書房又前爲馬  
院祀馬神廟又前爲偷道

縣獄 在

典史署 在縣儀門外西北大門一間儀門一間大堂三  
間內署三間典史張在中建

察院 一在西街北元大德中建明天啓中因練餉出給  
在民 一在縣署後亦大德中建知縣楊蘊增建平房  
二進今亦廢

俱見  
縣志

宜川縣署 在城內近北卽宋丹州治明洪武九年知縣

高以敬重修正德三年建大堂歲久傾圮

國朝雍正元年知縣王志深重修堂五楹左倉房右班房堂  
東北爲常平倉因丞署舊址改建爲東倉東西諸曹廨  
共二十一楹戒石亭一座儀門三間大門二間堂後爲  
宅門門左爲庫門內二堂三楹三堂三楹左門房以居  
司關右爲馬廄三堂左爲退食軒知縣吳炳建右爲客  
廳東西房共六楹後闕隙地列書屋數楹知縣劉國泰  
建堂後內宅三楹東西房共六楹宅後左盡爲更樓樓  
二層倉庫環署建樓以警夜亦知縣劉國泰創始嘉慶  
六年大堂傾圮署縣事揀發知縣奎豐重建

土地祠 在儀門左

縣獄 在儀門右內獄神祠一間祠後內監三門祠旁外監三間別由夾道往西女監一間獄門外禁卒房一間縣丞署 在縣治大堂左雍正三年移縣丞駐定邊今改建倉廩

典史署 在縣治大堂右官廳三間東西班房各一間後廳三間西爨室二間東西書齋各四間內宅五間東西共六間

駐防官營房 在縣署西正房三間西廂房三間東馬棚二間大門一座

察院行署 在縣治東區曰風清榆塞今廢

陰陽學 在縣治西南今廢

醫學 在縣治西南今廢

道會司 舊無公廨

僧會司 舊無公廨

桑園 在北門外

養濟院 在縣治南門外三間

漏澤園 在縣南門外南橋段家斜縣丞尹廷柱捐俸置

舉人張允祥有記

俱見縣志

延長縣署 舊在城內中街北水溝東明洪武中知縣吳

崇梅建成化中知縣婁鑑重修崇正十六年寇陷城燬  
國朝順治二年移署高部山土城知縣張三異增修康熙九  
年知縣陳天祐復移于下布政司察院卽今之舊公廨  
也歲久傾圮乾隆十年知縣沈堡于中街北水溝西請  
建書院落成署知縣孫宗翰入住爲公署繼任者盡居  
之規式皆官衙非肄業所乾隆十九年巡撫陳巡邊經  
此相度舊署諭知縣歐陽照亟爲修葺作書院以抵書  
院作官署也歐陽舉工未訖調任去乾隆二十七年知  
縣王崇禮續修完工詳明准作書院其新縣署大堂五  
楹左班房右庫房堂下兩廊爲諸曹廨各一間曹廨下

左右建倉四間倉盡爲儀門三楹大門三楹知縣王崇禮增建大堂後爲宅門宅門內爲二堂三楹堂左客廳三楹堂右爲門房又後爲馬廐廐後小門內爲隨丁住宅六楹堂後左角門入爲隙地內土窰正南向五間爲內宅左右各五間爲幕室爲書屋爲爨房窰中建屋三間爲內小廳知縣王崇禮建窰西築窰倉十五間

土地祠 在大門外左又前有大門上有鼓樓

縣獄 在儀門外右監獄四間女監一間又禁卒房一間典史署 在縣治左旁堂三間東西班房各一間後宅廳三間乾隆二十五年典史閻虔于署西角建宅三間

察院行署 在舊縣治旁今燬

火器庫 在舊縣治旁今燬

陰陽醫學 舊無廡

僧會司 在太平寺

鄉約所 雍正七年飭行未建

養濟院 在城隍廟左

鼓樓 在縣中街今燬

鐘樓 在縣東角城上

賓賓館 在舊治大門左今建申明亭

俱見縣志

延川縣署 在城北大阜本歷代故址元至治元年縣令

王恪增修明洪武三年主簿王佐齋印抵署拓堂宇葺門樓景泰中知縣李琮重修嘉靖中知縣宋大本重修萬歷中知縣劉崇禮暢楊王立身繼修

國朝順治十一年王永強作亂將署內前堂焚燬康熙中知縣錢茂泰捐貲修建凡大堂五楹後堂五楹內宅一所儀門東西角門戒石碑六房俱備

土地祠 在儀門外

縣獄 在大門西

旌善亭 明隆慶中知縣王貞建今廢

申明亭 明嘉靖中知縣宋大本建今廢



賓賓館 明萬歷中蘇廷建知縣劉穀重修

察院行署 在城內東南隅明洪武四年知縣馬憲建嘉靖中知縣宋大本重修萬歷中知縣楊蘇廷王立身繼修又察院大門西舊有公廨一所兵燹頽壞知縣劉穀重建堂三楹

布政司行署 在城內東北隅舊文安驛也明正統六年知縣張輔改建今廢以隙地改建準提庵

知府行署 在縣治中街明成化中建今廢

俱見縣志

定邊縣署 在縣城 雍正九年建乾隆三十九年知

縣韓修鳳增修凡大堂三楹二堂三楹內宅一所儀門

大門六房俱備共五十一間

縣獄 在

雍正九年建乾隆四十年知縣韓修

鳳重修

鹽課大司署 在鹽場堡改設縣丞署

典史署 在 共十八間雍正九年建乾隆三十四

年知縣徐觀海典使胡貽安重修

養濟院 在 共六間乾隆六年建修

俱見縣冊

靖邊縣署 在縣城 舊為靖邊衛同知署雍正二年

改爲縣署乾隆三十八年知縣趙贊詳明興修凡大堂

三楹二堂三楹內宅一所儀門大門六房俱備

縣獄 在縣 獄神祠一間男監二間女監一間又

禁卒房一間雍正十三年知縣韓德修建修

巡檢署 在寧條梁

典史署 在縣 雍正二年建修乾隆四十年典史

趙永執詳明重修

俱見縣冊

延安府志卷五十

工略六

關梁

膚施縣

延水橋 在東門外明知府王彥奇建石橋于東關門刊  
永濟橋三字有記後大水衝沒崇正間推官顧咸正鳩  
工砌石將成兵變未竣復爲水沒每歲冬則架木起小  
橋夏初卽撤民苦涉渡知府牛天宿易之以舟今仍舟  
橋並用

北門橋

在府城北門外以溪爲隍池架橋其上山水暴

漲則衝損知府郭光夢教柱相繼修築後復圯知府卜  
祚光捐貲率屬員士庶增修石橋今始堅固遠近皆頌  
之縣志

安塞縣

蘆關 在城北一百八十里北控沙漠舊設兵固守今城  
垣尚新在峻嶺之中岡阜之巔環城坑窖尚存別名曰  
鐵門砦其北門題曰金明咽喉

阿姑橋 在縣北三里砌石削成二橋並峙右廟祀關帝  
左廟祀阿姑每四月十五日士女焚香賽禱其下

招安橋 在縣西十里甃石爲之宋秋青築招安塞于橋

子谷卽此歷元迄今往來便濟

國朝順治十六年大水衝毀今止存半面行道者苦焉

縣志

甘泉縣

梁家橋 在縣東

驢馬橋 在縣東與宜川縣界

南門橋 在縣南門外施和峪溝水所逕

縣志

安定縣

鳳谿橋 在縣西門外舊名永濟

龍溪橋 在縣東門外一里卽濟民橋

縣志

在縣東南三里

府志

廖公橋 在縣東五里以知縣廖公均建故名

宜川縣

馬頭關 在縣東北二百里

烏仁關 在縣東北八十里下臨黃河與山西吉州相對  
唐書地理志云汾川有烏仁關宋王應麟玉海唐關內  
三十一關有丹州之烏仁宋史麗籍傳云慶歷初籍復  
所亡地築十一城及開亂名平戎道通永和烏仁關金  
史地理志云宜川有烏仁關明一統志云金置烏仁關  
元廢

廣濟橋 在縣東五里龜背寺之東

遇仙橋 在縣東七十里今廢

泥灣橋 在縣北八十里

澤逕河橋 在縣東百里每遇水漲波濤迅駛兩岸植鐵柱中繫鐵繩上鋪木板壓之以土

馮家坵渡 在縣北二百二十里黃河上與山西永和縣鐵羅渡相對

馬頭關渡 在縣東北二百里黃河上馮家坵渡迤南三十五里與山西大寧縣曹娘娘灘渡相對

禹王坪渡 在縣東北一百七十里黃河上馬頭關渡迤南二十五里與山西太寧縣平頭關渡相對



衣巾渡 在縣東北一百二十里黃河上禹王坪渡迤南四十里與山西吉州馮家集渡相對

柴村渡 在縣東北一百一十里黃河上衣巾渡迤南二十五里與山西吉州官渡灘相對

驛騎渡 在縣東北一百一十里黃河上柴村渡迤南十五里與山西吉州馬糞灘渡相對

小船窩渡 卽水南渡在縣東北一百里孟門之南黃河上驛騎渡迤南二十五里與山西吉州小船窩渡相對

關頭渡 在縣東一百里黃河上小船窩渡迤南三十五里與山西吉州平子園渡相對

縣志

延長縣

鼓樓橋 在舊縣署右新署左舊建鼓樓于其上雍正二年塌無存三年重修視舊制頗寬大

文淵橋 在縣學前康熙十六年知縣孫芳馨修建日久漸圯五十八年知縣周兆鳳重修

永逸橋 在城西門外歷係河中石梗障水衝城西門康熙中鑿二孔水東下上架橋半依石作脚鋪板春冬修夏秋拆

漱玉橋 在東門外八景之一靈岩外水關一溝約二丈闊溝上架此

接引橋 在西方院門外頗寬敞潔淨盛暑學士多載酒  
暢懷于此

紅虹橋 在西河溝三里許橋成之日紅蛇臥于其上故  
名

西山洞橋 在西山懸崖上以通西山洞鑿之故名

永寧橋 在縣西五里雍正十二年水衝無存十三年重  
修

廣濟橋 在干谷驛當街中暗水流空時聞鏗鏘聲橋上  
四面建神祠

龍兒砭橋 在縣東十里

關子口 在縣南二十里

岳口 在縣西六十里

薛家口

在縣西北六十里

俱縣志

延川縣

延水關

在縣東南七十里渡黃河卽山西永和縣界

清水關

在縣東南八十里渡黃河卽山西大寧縣界

通濟橋

在縣南門外知縣賀瓔建

惠民橋

在縣南城關外知縣賀瓔建

宏濟橋

在縣城西五里一名乾橋俱縣志

漩窩渡口

在城東北六十里渡黃河卽山西永和縣界

馬家河渡口

在城東南九十里渡黃河卽山西大寧縣

界

縣志

延安府志卷五十一

傳錄一

傳錄皆取史傳及州縣志原文不復改作貴存實也然州縣諸志多虛美有隱惡非史家列傳可比今惟于言之太失實者削之餘不復有所增減庶足備一方之實錄云

前政

秦

蒙恬其先齊人始皇二十六年因家世得爲秦將攻齊大破之拜爲內史秦已并天下乃使蒙恬將三十萬衆北伐戎狄收河南築長城因地形用險制塞起臨洮至遼東延

表萬餘里於是渡河據陽山透蛇而北暴師於外十餘年

居上郡威振匈奴始皇甚尊寵蒙氏信任賢之

史記本傳

漢

李廣隴西人爲邊郡太守徙上郡皆以力戰爲名匈奴大入上郡天子使中貴人從廣勒兵擊匈奴中貴人將騎數十縱見匈奴三人與戰三人還射傷中貴人殺其騎且盡中貴人走廣廣曰是必射雕者也乃從百騎往馳三人令其騎張左右翼身自射彼三人者殺其二人生得一人果射雕者也已匈奴有數千騎見廣以爲誘騎皆驚上山陣廣騎皆大恐欲馳還廣曰吾去大軍數十里今走匈奴追

射我立盡今我留匈奴必以我爲大軍誘之必不敢擊我  
廣令諸騎曰前前未到匈奴陣二里所止令曰皆下馬解  
鞍彼以我爲走今解鞍以示不走用堅其意於是胡騎不  
敢擊有白馬將出護其兵廣上馬奔射殺白馬將復還其  
騎中解鞍令士皆縱馬臥會暮胡兵終不敢擊引而去廣  
乃歸其大軍居久之武帝立廣以上郡太守爲未央衛尉

史記  
本傳

馮野王字君卿

父奉世上黨  
潞人徙杜陵

受業博士通詩年十八上書

願試守長安令宣帝奇其志後遷櫟陽令徙夏陽令元帝  
時爲左馮翊而池陽令並素行貪汙輕野王外戚年少治



行不改野王部督郵殿趙都案驗得其主守盜十金罪  
收捕並不首吏都格殺並家上書陳寃事下廷尉都詣吏  
自殺以明野王京師稱其威信遷大鴻臚數年出爲上郡  
太守病免賜告歸杜陵年老終於家立字野卿野王弟通春

秋竟寧中以王舅出爲五原屬國都尉數年遷五原太守  
徙西河上郡立居職公廉治行畧與野王相似而多知有  
恩貸如爲條教吏民嘉美野王立相代爲太守歌之曰大  
馮君小馮君兄弟繼踵相因循聰明賢知惠吏民政如魯

衛德化均周公康叔猶二君

漢書馮  
本世傳

盧卿文帝十四年邊警拜卿爲將軍禦之

漢書

徐自爲以光祿勳出五原塞數百里築城列障至盧陁山

漢書

崔實字子正

涿郡人

明於政體吏才有餘爲五原太守五原

土宜麻枲而俗不知織績民冬月無衣積細草臥其中見則衣草而出實至官斥賣儲峙爲作紡績織紝練縵之具教之民得以免寒苦是時胡虜連入雲中朔方殺畧吏民一歲至九奔命實整厲士馬嚴烽堠寇不敢犯常爲邊最

後漢書

崔駰傳

北魏

長孫儉代人本名慶明孝昌中邊方騷勦儉初假東夏州

方城大都督從爾朱天光破宿勤明達等周文臨夏州深敬器之轉夏州刺史甚得人和時西夏州仍未內屬東魏遣許和爲刺史儉以信義招之和乃歸附卽以儉爲西夏州刺史總統三夏州諸軍事周文表授東南道行臺僕射所部鄭縣令泉璨爲百姓所訟推按獲實卽大集僚屬于廳事前引已過肉袒自罰於是屬城肅勵莫敢犯法後卒

于夏州總管

北史長孫嵩傳

北周

于謹字思敬河南洛陽人周文帝臨夏州以謹爲防城大都督兼夏州長史謹言於周文曰關右秦漢舊都古稱天

府今若據其要害招集英雄足觀時變且天子在洛逼迫羣兇若陳明公之懇誠請都關右然後挾天子而令諸侯千載一時也太祖大悅會有敕追謹爲關內大都督謹因進都關中之策魏帝西遷授北雍州刺史大統十二年率兵鎮潼關加授華州刺史魏恭帝元年除雍州刺史天和二年授雍州牧三年薨諡曰文謹子實字賓實天和二年延州蒲川賊郝三郎反攻丹州遣實率衆討平之斬三郎首獲雜畜萬餘頭除延州刺史

周書本傳

郭榮字長榮太原人周宇文護引爲親信以功授大都督護以稽胡數爲寇亂使榮綏集之榮於上郡延安築周昌

宏信廣安招遠咸寧等五城以遏其要路稽胡由是不能

爲寇

隋書本傳

豆盧寧字永安昌黎徒何人大統中拜北華州刺史在州以廉平著稱加散騎常侍從于謹破稽胡帥劉平伏于上郡武成初爲同州刺史復督諸軍討稽胡郝阿保劉桑德德等破之軍還遷大司寇保定四年授岐州刺史屬大兵

東討與疾從軍五年薨於同州

周書本傳

高琳字季珉其先高句麗人大統初平西將軍三年從太祖破齊神武于沙苑武成初除延州刺史從豆盧寧討稽

胡郝阿保劉桑德等破之

周書本傳

宇文慶洛陽人周武帝詔以行軍總管擊延安反胡平之

拜延州總管

隋書本傳

王慶字興慶太原祁人保定中歷丹中二州刺史爲政嚴

肅吏不敢欺大象元年除延州總管

周書本傳

李樹字雲傑隴西成紀人長不盈五尺性果決有膽氣爲周文帝帳內都督從復宏農破沙苑以功進爵汝南郡公出爲總管延綏丹三州諸軍事延州刺史卒官

通志

隋

李和朔方巖綠人少勇敢有識度爲州里所推賀拔岳鎮關中引爲帳內都督後從周文累遷夏州刺史保定二年

除司憲中大夫尋出爲洛州刺史和前在夏州頗留遺惠  
及有此授商洛父老莫不想望德音和至州以仁恕訓物  
獄訟簡靜進柱國大將軍開皇元年遷上柱國和立身剛

簡老而愈勵二年薨謚曰肅

北史本傳

崔仲方字不齊博陵人少有文武才畧隋文帝受禪進位  
上開府授司農少卿令發丁三萬於朔方靈武築長城東  
至黃河西拒綏州南至勃出嶺綿歷七百里明年令仲方  
發丁十萬於朔方已東緣邊險要築數十城以遏寇

北史崔挺

傳

開皇三年奉令築真羅城又嘗開渠溉田人皆德之

舊志

韓則南陽人開皇中爲延州長史甚有惠政

隋書高構傳附

唐

梁禮爲鄜州刺史封鄜城郡公武德二年梁師都侵延州

禮力戰沒於陣

冊府元龜

尉遲敬德鄜州都督號令嚴明爲時名將

唐史有傳不備錄

張平高綏州人隋末爲鷹揚校尉有功累官左領軍將軍

封蕭國公貞觀間爲丹州刺史都督

新唐書

郭子儀鄜坊節度使屢建大功晉封汾陽王

新舊唐書俱有傳不備錄

渾瑊勒九姓之渾部善騎射勇常冠軍遷中郎將擢朔方

行營兵馬使從郭子儀擊吐蕃邠州留屯邠虜復入至奉

天瑊戰漠谷有功周智光反子儀令瑊以步騎萬人下同



州智光平以邠寧隸朔方軍城屯宜祿大歷七年吐蕃深入與鹽州智光平以邠寧隸朔方軍城屯宜祿大歷七年吐蕃深入與鹽州刺史李國臣趨秦原吐蕃引去城邀擊破之悉奪所畧而還領邠州刺史吐蕃入方渠懷安城擊走之子儀入朝留知邠寧慶兵馬後務德宗析所部爲三節度以瑊兼綏銀麟勝州節度副大使帝狩奉天瑊率家人子弟以從授行在都虞候京畿渭北節度使朱泚兵薄城治攻具矢石四集王師乘城者皆凍餒瑊但以忠義感率中矢自擣去被血而戰愈勵乘輿狩山南瑊以諸軍衛入谷口遷同平章事兼奉天行營副元帥乃率諸軍趨京

師城韓旻拒武功城破之遂屯奉天以西軍收咸陽泚平

論功以城兼侍中封咸寧郡王

唐書本傳

杜希全京兆醴泉人以裨將隸郭子儀積功至朔方節度使軍令整嚴士畏其威奉天之狩希全引兵赴難次漠谷爲賊邀擊還保邠州賊平遷檢校尚書左僕射靈鹽豐夏節度使封餘姚郡王將卽屯獻體要八章砭切政病帝嘉納賜君臣箴一篇尋兼夏綏銀節度都統建言鹽州據要會爲塞保鄯自陷於虜靈武勢縣鄜坊單逼爲邊深慮請復城鹽州乃詔朔方邠寧銀夏鄜坊諸節度合選士三萬五千屯鹽州又敕涇原劍南山南軍深入吐蕃撓其力使

不得犯塞執築凡六千人闕二旬畢希全河西久頗橫肆

帝數容掩其短卒贈司空

唐書本傳

王承元有沉謀鄜坊丹延節度使奉公守法利愛及民

田牟

平州人

寬厚明吏治開成初鹽州刺史王宰失羌人之

和詔牟代之累鄜坊節度使

唐書田宏正傳

崔從字子父

齊州全節人

爲山南西道節度使長慶初領鄜坊

節度屬部多神策屯軍數亂法驕橫吏不能制從一繩以

法下皆畏之党項互市羊馬類先遺帥守從獨不取而厚

慰待之羌不敢盜境

唐書崔融傳

李衍遼東襄平人鄜州刺史及謙作亂晉高祖以衍爲行

軍總管從梁府擊平之進位大將軍

折從阮字可久雲中人唐莊宗以爲府州刺史晉出帝與契丹敗盟從阮以兵攻契丹取其城堡十餘遷本州團練使兼領朔州刺史漢高祖入立於府州建永安軍以從阮爲節度使明年以其族朝京師徙鎮武勝歷宣義保義靜難三鎮顯德二年卒

五代史本傳

延安府志卷五十二

傳錄一

前政

宋

尹憲并州晉陽人太宗卽位擢爲殿直充延州保安軍使  
太平興國四年護府州屯兵與鄜州三族改護夏州兵轉  
供備庫使殺戮三以醜奴莊岌加羅賊葉十四族及誘其  
渠帥屢降詔書褒美雍熙初詔就知夏州攻破李繼遷之  
衆于地斤澤繼遷遁走俘獲四百餘帳奏請于所部抽移  
諸帳別置騎號曰平砦以備其用詔從之

宋史本傳

趙贊字元輔幽州薊人宋初鎮延州受密旨許便宜行事  
將及州境乃前後分置步騎綿綿不絕林莽之際遠見旌  
旗所部羌渾來迎無不懾服開寶四年改鎮鄜州卒贊御  
衆有方畧吏民畏服

宋史本傳

石保興字光裔波饑人雍熙初李繼遷入鈔徙銀夏綏府  
都巡檢使嘗巡鬻子砦並黑水河趣谷中夏人知之以數  
千騎據險渡河求戰保興所不滿二千人乃分短兵伏於  
河澗俟其半渡急擊之斬首百餘追北數十里優詔褒美  
淳化五年爲承興軍鈐轄改夏綏麟府州鈐轄至道二年  
徙延州都巡檢使兼署州事改本路副都部署與范重名

等五路討賊石炭伽羅賊數族率衆來拒保興選敢死士數百人銜枚夜擊殲之自是吳移越移諸族歸降還至烏白池賊又爲方陣來拒保興麾衆出入陣中會乘馬中流矢挺身持滿易騎奮呼且行且鬪凡三日四十二戰賊遂引去咸平五年以疾歸京師卒

宋史石守信傳

侯延廣汾州平遙人太平興國初出護延州軍兼緣邊巡檢善撫士卒下樂爲用會西北戎入寇邊人擾亂求可使邀巡者近臣言延廣將家子習邊事無出其右遷同鄜坊延丹緣邊都巡檢使戎人聞延廣至不敢復亂叛卒劉渥嘯聚亡命寇耀州富平縣謀入京兆其勢甚盛延廣率兵

數百自間道追之會渥於富平西十五里渥素憚延廣傳  
言我草間求活視死如鴻毛侯公家世富貴奈何與亡卒  
爭一旦之命延廣怒因擊之挺身與渥鬪大樹下斷渥右  
臂渥脫走後數日爲追兵所獲渥素號驍勇至是爲延廣  
所殺羣盜喪氣稍稍自歸關右以定上嘉之擢拜崇儀使

宋史侯  
益傳

王顯字德明開封人淳化三年知永興軍徙延州時夏臺  
寇擾顯上疏謂宜謹屯戍固城壘積芻糧然後遴選才勇  
付以邊任則禦備有素時制沿邊糧斛不許過河西河西  
青鹽不得過界販鬻犯者不以多少處斬顯請犯多者依



法其餘別爲科斷以差其罪

宋史本傳

○按宋史地理志京兆

軍舊領承帥軍路安撫使延安府本彰武軍節度知軍舊領鄜延路經畧安撫使故並入節鎮

田重進幽州人淳化五年知延州重進以武勇知名而在

鎮專務以仁厚及人不令擾百姓

舊志

孫全照字繼明

莫州清苑人

爲鄜延路都巡檢使淳化五年率

兵與李繼隆克綏州因與張崇貴等同戍守之俄護屯兵於夏州兼知州事遷延州監軍兼阿都關盧關路都巡檢事咸平五年將城綏州以爲綏州路鈐轄旣調兵夫二萬餘全照言其非便乃罷景德三年爲邠寧環慶都部署趙德明納款朝議減西鄙戍兵令屯近地因徙全照知永興

宋史孫

軍府行友傳

馬知節字子元

幽州蓟人

咸平時徙知延州兼鄜延駐泊部署

邊寇將至方上元節遽命張燈啟關累夕晏樂寇不測卽

引去

宋史馬全義傳

向敏中字常之開封人太平興國五年進士明辯有畧遇事敏速凡三邊道路斥堠走集之所莫不周知咸平四年知永興軍景德初命爲鄜延路緣安邊撫使俄還京兆真宗幸涇淵賜敏中密詔盡付西鄙許便宜從事敏中視政如常日會大雉有告禁卒欲倚雉爲亂者敏中密使虜兵被甲伏廡下明日盡召賓僚兵官置酒命雉入至堦伏出

盡擒之果各懷短刃卽席斬焉邊蕃遂安時舊相出鎮不以軍事爲意帝聞之曰大臣出臨四方惟敏中盡心於民事二年又以敏中爲鄜延路都部署兼知延州委以經畧

宋史本傳

曹璨字韜光真定靈壽人爲綏銀夏麟府等州鈐轄契丹入寇屢戰有功諸將多欲窮追璨慮有伏力止之至道初復爲鄜延路副都部署充麟府濁輪副部署出蕃兵邀繼遷俘馘甚衆璨習知韜畧善撫士卒兼著威愛

宋史曹彬傳

李若谷字子淵徐州豐人以右諫議大夫知延州州有東西兩城夾河秋夏水溢岸輒圯役費不可勝紀若谷乃制

延安府志 卷五十二

石版爲岸押以巨木後雖暴水不復壞官倉依山而貯穀

少若谷使作露囤囤可貯二萬斛他郡多取法焉若谷治

民多治慮愷悌愛人其去多見思宋史本傳若谷知延州夏

人遣使來前守多延之堂上若谷獨廡下飲食之隆平集

張思均邢州沙河人至道中改鄜延巡檢使會葺石堡砦

擊寇走之未幾寇逼保安軍與曹璨往援追躡五十餘里

至木場寇乃遁去宋史本傳

張昭遠字持正涇州無棣人知邊畧爲鄜延路兵馬都鈐

轄築堡成平川宋史本傳

張佶字仲雅本燕人後徙華州渭南初名吉志言後改焉

遷著作佐郎監三白渠知涇陽縣咸平初擢陝西轉運副  
使賜緋魚至延安遇夏人入寇親督兵擊敗之徙麟府路  
鈐轄夏人來寇侏率兵與戰親射殺酋帥俘獲甚衆餘黨  
遁去詔書褒之賜錦袍金帶又爲鄜延鈐轄徙邠寧路鈐  
轄兼知邠州侏勇敢有方畧其總戎護塞以威名自任

本傳

宋史

高良夫判延州撫恤軍民時稱能吏仁宗降敕褒之

頁志

李繼周延州金明人祖計都父孝順皆爲金明鎮使繼周  
嗣掌本族太平興國三年東山蕃落集衆寇清化砦繼周  
率衆敗之淳化四年遷殿直明年討李繼遷命開治塞門

鴉兒兩路又招降族帳首領二十餘人率所部入夏州敗蕃將數千於石堡砦以功轉供奉官繼周以阿都關塞門盧關等砦最居邊要遂規修築砦城有磨盧家媚咩拔藏等族居近盧關未嘗內繼周夜率所部往襲焚之斬首俘獲甚衆至道二年大軍討西夏命爲延州路踏白先鋒會繼遷邀戰於路繼周戰却之咸平三年復爲先鋒入賊境焚積聚殺人畜獲器甲凡六十餘萬投供備庫使領金明縣兵馬都監新砦解家河盧關路都巡檢五年蕃騎入鈔繼周逐之景德元年夏人圍麟州繼周受詔擊之大中祥符二年卒諡其子士彬管勾部族事士用爲巡檢都監

宋史

本傳

張煦字輔陽開封人知保安軍咸平中夏人寇邊爲邠寧環慶路鈐轄兼巡檢安撫都監累躡寇入賊中掩殺甚衆

有詔嘉獎

宋史本傳

范雍字伯純河南人中進士第歷陝西都轉運使改知永興軍歲飢疫雍爲賑恤元昊反拜振武軍節度使知延州因言延州最當賊衝地闊而砦柵疎近者百里遠者二百里土兵寡弱又無宿將爲用請益師不報元昊引兵數萬至城下雍堅守城得不陷遷知永興軍兼轉運司事初完永興城或言其非便詔止其役雍匿詔而趣成之明年賊

犯定川邪岐之間皆恐而永興獨不憂

宋史本傳

明鎬字化基密州安邱人中進士第同州未逾月會元昊寇延州起爲陝西轉運使虜破金明砦旣去議修復其城帥臣擁兵不卽進鎬以百餘騎自督將士一月而成又常閱同州廂軍得材武者三百餘人教以強弩奏爲清邊軍號最驍悍其後陝西河東頗做置之鎬所至安靜有體而遇事不苟爲世所推重

宋史本傳

張宗誨字習之

齊州宛句人

爲永興軍兵馬鈐轄又徙鄜延路

兼知鄜州元昊寇延安劉平石元孫敗沒鈐轄黃德和道還延州不納又走鄜州宗誨曰軍奔將無所歸激之則爲



亂矣乃納之拘德和以聞是時郿城不完且無備傳言寇兵至人心不安宗誨乃嚴斥侯籍入而禁出使老幼併力守禦之敵亦自引去領興州防禦使復徙承與鈐轄兼知

邠州以秘書監致仕

宋史張齊賢傳

龐籍字醇之單州武城人及進士第元昊反爲陝西體量安撫使除陝西都轉運使文彥博鞠黃德和獄未上詔籍同按籍言德和退怯當誅劉平力戰而沒宜加恤其子孫進龍圖閣直學士知鄜州俄兼鄜延都總管經畧安撫緣邊招討使明年改延州觀察使力辭換左諫議大夫自元昊陷金明承平塞門安遠栲栳砦破五龍川邊民焚掠殆

延安府志

卷五十二

前政

七

盡籍至稍葺治之戍兵十萬無壁壘皆散處城中畏籍莫敢犯法金明西北有渾州川土沃衍川尾曰橋子谷寇出入之隘道使部將狄青將萬餘人築柝安砦於谷旁數募民耕種收粟以贍軍悉復所亡地築十一城及開亂名平戎道通永和烏仁關更東西陣法爲方陣頗捐益兵械元昊旣臣名爲樞密副使籍曉律令長於吏事治民頗有惠愛宋史本傳籍在延州軍行出塞使因糧於敵馬芻皆自刈之還畀其直民無飛輓之勞及去民遮道而泣曰公用兵數年未嘗以一事煩民雖以一子爲香祝之猶不足報也朱名

盧鑑字正臣金陵人授三班奉職監坊州酒稅以右班殿  
直爲郵延路走馬承受公事李繼遷寇邊與總管王榮敗  
走之又與鈴轄張崇貴擊賊焚其積聚斬首級而還擢本  
路兵馬都監復出蕩賊賑獲牛羊萬計徒鳳翔秦隴階成  
等州提點賊盜公事尋爲都巡檢使

宋史本傳

曹瑋字寶臣真定靈壽人天禧三年德明寇柔遠砦以瑋  
爲華州觀密使郵延路副都總管委乞骨咩大門等族聞  
瑋至歸附者甚衆拜鎮國軍節度觀密使知永興軍改彰  
武軍節度使卒

宋史曹彬傳

韓琦字雅圭相州安陽人舉進士第二趙元昊反琦論西

師形勢甚悉卽命爲陝西安撫使進樞密直學士副夏竦  
爲經畧安撫招討使琦畫攻守二策入奏仁宗欲用攻策  
執政者難之琦言元昊雖傾國入寇不過四五萬人吾逐  
路重兵自守勢分力弱遇敵輒不支若併出一道鼓行而  
前乘賊驕惰破之必矣乃詔鄜延涇原同出征旣還營元  
昊來求盟琦口無約而和者謀也命諸將戒嚴敵果犯山  
外琦悉兵付大將任福令自懷遠城趣德勝砦出敵後如  
未可戰卽據險置伏要其歸及行戒之至再又移檄申約  
有違節度雖有功亦斬福竟爲敵誘沒於好水川竦使人  
收散兵得琦檄於福衣帶間言罪不在琦琦亦上章自劾

獨奪官知秦州慶歷二年爲陝西四路經安撫招討使屯涇州琦與仲淹在兵間久名重一時人心歸之朝廷倚以爲重故天下稱爲韓范東兵從宿衛來不習勞苦琦奏增士兵以代戍建德順軍以蔽蕭關鳴沙之道方謀取橫山規河南而元昊稱臣名爲樞密副使元昊邀索無厭琦陳其不便條所宜先行者七事又陳揅弊八事帝悉嘉納遂宣撫陝西討平羣盜張海郭邈山禁卒羸老者汰之盡修鄜延城障須敵悉歸所侵地乃許和歸陳西北四策以爲當今以和好爲權宜戰守爲實務

宋史本傳

公駐延安忽有人

夜携匕首至臥門遽褰幃帳公起坐問曰誰何曰來殺諫

議又問曰誰遣汝來曰張相公遣某來蓋是時張元夏國  
正用事也公復就杭曰汝携予首去其人曰某不忍願得  
金帶足矣遂取帶而去明日亦不治此事俄有守陴卒報  
城櫓上得金帶者納之時范純祐亦在延安謂公曰不治  
此事爲得體蓋行之則沮國威今乃受其帶是墮賊計中  
矣公歎曰非琦所及

塵史

馬懷德字得之祥符人景祐二年爲延州東路巡檢數以  
少擊衆徙青澗城監押入賊境焚二寨親射殺其酋主又  
率蕃漢兵焚蕩賊五十寨三百餘帳斬獲百餘級虜獲畜  
產萬計又以兵數千敗賊曰萬騎於僕射谷徙鄜延東路

巡檢都監破賊青化押班吃當三寨殺虜其人物甚衆元  
昊納欵與國子博士高良夫會西人畫地界時用兵久人  
民流散懷德招輯有方經畧使梁適奉請推其法諸路詔

從之

隆平集

劉平字士衡開封人景德三年登進士第累擢鄜延路副  
都總管兼鄜延環慶兩路同安撫使寶元初元昊攻保安  
軍自土門路入寇知延州范雍書召平趨土門旣又有告  
賊兵數萬趨金明圍延州雍復召二帥還軍救延州平督  
騎兵先發步卒繼進及鄜延駐泊都監內臣黃德和等兵  
至步騎萬餘結陣東行至三川口遇賊殺賊鐵騎六七百

人薄暮賊復以輕兵來戰官軍少却黃德和遂走追之不  
止進軍校以劍遮士卒得千餘人轉鬪三日夜衆寡不敵  
遂被執平不復食仍數罵賊遂遇害延州吏民詣闕訴平  
戰沒賜平家信陵坊第一區贈平節度使子孫咸賜官平  
剛直任俠善弓馬知邊事特志常輕賊又衆因德和而潰  
遂至陷沒聞者傷之

隆平集

郭遵開封人乾興中徙延州西路都巡檢使元昊寇延州  
遵以裨將屬劉平遇敵馳馬入陣殺傷數十人敵出驍將  
揚言當遵遵揮鐵杵破其腦復持鐵槍進所向披靡會黃  
德和引兵先潰敵戰益急遵奮擊期必死又持大稍橫突



之敵知不可敵使人持大橐索立高處迎遵馬輒爲遵所斷因縱遵使深入橫兵注射之中馬晚仆地被殺特贈果

州團練使

宋史劉平傳附

任福字祐之其先河東人後徙開封元昊反命知隴州擢

秦鳳路馬步軍副總管詔陝西增城壘器械福受命四十

日而戰守之備皆具以忻州團練使爲鄜延路副總管

勾延州東路蕃部事

宋史本傳

范仲淹字希文蘇州吳縣人舉進士第元昊反知永興軍

改陝西都轉運使會夏竦爲陝西經畧安撫招討使進仲

淹龍圖閣直學士以副之延州諸砦多失守仲淹自請行

遷戶部郎中兼知延州先是詔分邊兵總管領萬人鈐轄  
領五千人都監領三千人寇至禦之則官卑者先出仲淹  
曰將不擇人以官爲先後取敗之道也於是大閱州兵得  
萬八千人分爲六各將三千人分部教之量賊衆寡使更  
出禦賊時塞門承平諸砦旣廢用种世衡策城青澗以據  
賊衝大興管田且聽民得互市以通有無又以民遠輸勞  
苦請建鄜城爲軍以河中同華戶稅租就輸之春夏徙兵  
就食省糧十之三明年詔諸路入討仲淹曰正月塞外大  
寒我師暴露不如俟春深入賊馬瘦人飢勢易制也鄜延  
密邇夏西羌必由之地第按兵觀釁臣稍以恩信招來

之若不効當舉兵先取綏宥據要害屯兵管田爲持久計  
則茶山橫山之民必挈族來歸矣帝皆用其議仲淹又請  
修承平永平等砦稍招還流亡定堡墮通斥埃城十二砦  
於是羗漢之民相踵歸業元昊答書不遜仲淹對來使焚  
之降知耀州進參知政事會邊陲有警與富弼請行邊於  
是以仲淹爲河東陝西宣撫使麟州新羅大旼言者多請  
棄之仲淹爲修故砦招還流亡三千餘戶蠲其稅罷權酷  
予民又奏免府州商稅河外道安仲淹爲政尚忠厚所至  
有恩邠州民皆畫像生祠事之

宋史本傳

仲淹領延安閱兵選

將日夕訓練又請戒諸路養兵蓄銳毋得輕動夏人聞之

相戒曰無以延州爲意今小范老子腹中自有數萬甲兵

不比大范老子可欺也

名臣傳

仲淹帥邠延威德著聞夷夏

聳服熟戶蕃部率稱爲龍圖老子至元昊亦以此稱之

燕談

胡瑗字翼之泰州海陵人范仲淹經畧陝西辟丹州推官

宋史本傳

蒞政之暇以經術隨其賢愚訓之士多賴其造就凡

見者卽識爲安定先生弟子

舊志

夏隨字君正并州榆次人元昊反爲鄜延路副都總管元

昊爲書及錦袍銀帶投境上以遣金明李士彬且約與同

叛侯人得之諸將皆疑士彬獨隨曰此行間爾士彬與羌

世仇若有私約通贈遺豈使衆知耶乃召士彬與飲厚撫

之士彬感泣後數日果擊賊斬首獲羊馬自効

宋史夏守恩傳

許懷德字師古祥符人元昊寇邊爲鄜延路副總管夏人三萬騎圍承平砦懷德率勁兵千餘人突圍破之夏人乃去屠金明縣復進圍延州懷德夜遣裨將以步騎千餘人出不意擊之斬首二百級遂解延州遷鳳州團練使專領

延州東路茭村一帶公事

宋史本傳

王信字公亮太原人以功遷鄜延巡檢康定初戰三川以所部兵薄賊斬首數十級徙鄜延路兵馬都監始至之夕部衆號數萬傅城軍吏氣懾信領勁兵二千夜出南門與戰失其前鋒因按軍不動遲明潛上東山整軍乘勢而下

擊走之獲首級馬牛居多遷鈐轄兼經畧安撫招討都監

宋史本傳

張亢字公壽宋人天禧三年甲科寶元初元昊反關內大震亢鄜延路鈐轄兼知鄜州未幾改充本路都鈐轄駐延州慶歷元秋賊入破麟府間諸堡寨圍府州事聞命亢爲并代都鈐轄專管勾鄜府軍馬公事亢馳至府城城中不敢啟關亢入卽大啟諸所塞門縱民出入視禁旅尚數千人皆無鬪志乃募執役下軍之敢戰者得數百人使擊賊至暮爭持賊首以獻亢躬自犒獎取錦袍以衣之連數日皆獲賊如前實於是禁旅悉慚奮擊賊大破之軍始復振

乃修復賊所破諸堡寨有寧遠寨者据麟府之中最號險  
要賊出兵爭之亢命虎翼軍執萬勝軍旗幟爲陣以挑賊  
賊素知萬勝軍罷軟果犯之虎翼軍萬弩齊發短兵繼前  
又遣驍將出賊後夾攻之賊奔潰自此不敢復出不踰月  
而五寨立二州始通復奏曰今五寨所通麟府往來之一  
徑耳若更增并邊諸櫛以相維衛則河外安矣議未下契  
丹渝盟河朔大警朝廷使爲瀛帥居數月夏副都總管兼  
公邊安撫事范公至河外親按形勢利害乃奏用亢前議  
仍以亢總其事詔可之凡建寨十四於是蕃漢歸者數千  
戶歲減戍兵萬人省轉輸萬萬計久之徙官卒上思其勞

優贈以官麟府番漢民皆繪像祀之

安陽集

薛儀判鄜州張

亢患州城大而處勢卑難以待敵欲遷就伏龜山計功數十萬時虜乘勝深入州無役兵欲以戰士築之衆咸以爲難儀獨以爲可亢喜曰薛君謂之可事無不成矣役始興而亢病失音儀外備寇敵內董役事人不知張亢之病也

城成民至今賴之

溫公集

李師中字誠之楚邱人舉進士鄜延龐籍辟知洛川縣民有罪妨其農時者必遣歸令農隙自詣吏令當下者榜于民或招父老諭之租稅皆先期而集民負官茶值十萬緡追緊甚衆師中爲稅枉桎語之曰公錢無不償之理寬與



汝期可乎皆感泣聽命令鄉置一匱籍其名許日輸所負一錢以上輒投之書篋而去比歲終逋者盡足官移諸鎮粟於邊已而反之盛冬大雪勞且費至賤售予兼并家師中令過縣願輸者聽躬坐庾門執契以須數日得萬斛使下其法於他縣常出鄉亭見戎人雜耕皆兵與時入中國人藉其力往往結爲婚姻久而不歸師中言若輩不可雜處言之經畧使并索旁郡者徙居絕塞麗籍爲樞密副使薦其才名對轉太子中允知敷政縣權主管經畧司文字夏人以歲賜緩移邊曰頗勿逾歲暮詔吏報許師中更牒曰如故事樞密院劾爲擅改制書師中曰所改者郡牒耳

非制也朝廷是之薄其過遷直史館知鳳翔府种諤取綏州師中言西夏方入貢叛狀未明恐彼得以藉口徒啟其釁端也鄜延路峴知西夏駐兵綏銀州檄諸路當牽制師中疏論牽制之害時諸將皆請師中曰不出兵罪獨在帥非諸將憂也既而此舉卒罷師中在官不貴威罰務以信服人至明而恕去之日民遠道擁泣馬不得行

宋史本傳

周美字之純靈州回樂人少以材武稱元昊反陝西用兵經畧使夏竦薦其材擢延州兵馬都監夏人既破金明諸砦美請於經畧使范仲淹曰夏人勢必復來金明當邊衝今不亟完將遂失之仲淹因屬美復城如故數日賊衆斂

萬薄金明陣於延安城北三十里美領衆二千力戰抵暮  
乃徙軍山北多設疑兵夏人望見以爲救至卽引去旣而  
復出艾蒿砦夜鬪不解美使人持一炬從間道上山四面  
大譟賊懼走遂築萬安城而還改東路都巡檢使敗敵於  
金湯城元昊大入據承平砦美以西兵出芙蓉谷大破  
木幾敵復畧土塹砦美迎擊於野家店追北至拓跋谷大  
敗其衆還築柵于葱梅官道谷以據敵路令士卒益種營  
田歲收穀六千斛復率衆由屬子部西濟大理河屠割萬  
多移二百帳焚其積聚以歸除鄜延路兵馬都監又破敵  
於無定河東勝至綏州殺其酋衆焚廬帳因城龍口平砦

敵以精騎數千來襲美從百餘騎馳擊破之加本路鈐轄  
遂爲副總管自陝西用兵諸將多不利美前後十餘戰平  
族帳二百焚二十一招種落內附者二十一族復城堡甚  
多在軍中所得祿賜多分其麾下有餘悉饗勞之及死家

無餘貲

宋史本傳

狄青字漢臣汾州河西人寶元初趙元昊反以青爲延州  
指揮使時偏將屢爲賊敗士卒多畏怯青行常爲先鋒凡  
四年前後大小二十五戰中流矢者八破金湯城畧宥州  
屠囉咩歲香毛奴尚羅慶七家口等族燔積聚數萬收其  
帳二千三百生口五千七百又城橋子谷築招安豐林新

砦大郎等堡皆扼賊要害嘗戰安邊被創甚聞寇至卽挺  
起馳赴衆爭前爲用臨敵被髮帶銅面具出入賊中皆披  
靡莫敢當經畧使韓琦范仲淹一見竒之待遇甚厚

張玉字寶臣保定人以六班散直隸狄青麾下築青澗招  
安砦遇夏兵三萬有馳鐵騎挑戰者玉單騎持鐵筒出鬪  
取其首及馬軍中因號曰張鐵筒孫節開封人以才勇補

右侍禁與狄青同在延州數攻破敵砦有功

宋史本傳

郭恩開封人歷延州西路都巡檢徙拜代州鎮轄管勾麟  
府軍馬事嘉祐二年五月夏人侵屈野河西地內侍黃道  
元等以巡邊爲名會詞者言敵兵盛屯沙黍浪恩乃同道

元夜率循屈野河北而行夏人舉火臥牛峯知麟州武徽  
指以謂恩曰敵已知吾軍至矣道元曰此爾曹故沮我師  
及聞鼓聲道元猶不信行至砦口恩欲修軍逮曉乃登山  
道元奮衣起曰幾年聞郭恩名今日懦怯與賈逵何殊恩  
愾曰不過死耳乃行比明至忽里堆敵數十人皆西走相  
去數十步止恩等踞牀遣騎呼之敵不應亦不動俄而火  
起敵騎張左右翼自南北交至堆東有塹其中有梁謂之  
斷道恩等東據梁口與力戰自旦至食時敵自兩旁塹  
中準綠而上四面合擊恩衆大潰道元及府州寧府砦兵  
馬都監劉慶皆被執恩不肯降頌自殺贈同州觀察使

宋史

本傳

程琳字天球博野人知永興軍判延州爲陝西安撫使元  
昊死諒祚立方幼三大將分治其國議者謂可因此時以  
節度使啖三將使各有所部分以弱其勢琳曰幸人之喪  
非所以柔遠人不如因而撫之旣而遣使冊命夏人方圍  
慶陽琳曰此可緩慶陽之難矣具禮弊賜予之數移報之  
果喜卽日迎冊使慶陽圍亦解夏人以五百戶驅牛羊扣  
邊請降言契丹兵至衙頭國中亂願自歸琳曰彼詐也拒  
不受已而賊果以騎三萬臨境上以捕降者爲辭琳諜之  
閉壁倒旗戒諸將勿戰賊疑有備遂引去

宋史本傳

楚建中字正叔洛陽人第進士主管鄜延經畧機宜文字  
夏人來正土疆往澄其事衆暴至兩騎傳矢引滿向之建  
中披腹使射曰吾不憚死騎卽去衆服其量元昊歸欵建  
中請築安定黑水人堡以控東道夏人果來聞有備不敢

入

宋史本傳

郭諮字仲謀趙州平棘人舉進士累遷鄜延路兵馬鈐轄  
許置弩五百募士兵教之旣成經畧使夏安期言其便詔  
立獨轅弩軍以西上關門使知潞州

宋史本傳

夏安期字清鄉

諫子江州德安人

元昊納欵罷兵命往陝議邊費

奏省吏員汰兵五萬人擢陝西都轉運使徙知延州州東



北阻山無城郭虜管乘之安期至卽大築城時方暑躬自督役不踰月而就元昊請盡疆界朝廷遣使以問安期安期對曰此不足煩王人衙校可辦也議遂決

宋史夏  
竦傳

折繼世

雲中人  
繼祖弟

少從軍爲延州東路巡檢名山內附繼

世先知之遺其子克勳報种諤諤用是取綏州繼世以騎步萬軍於懷寧砦入晉祠谷往銀川分名山之衆萬五千戶居於大理河夏人來攻再戰皆捷諤逮繫獄以兵付之而行遂同名山守綏州錄功領忠州刺史說韓絳城囉兀以撫橫山因盡取河南之策絳以爲然以果州團練使卒

宋史折

德長傳

曲珍字君玉隴千人爲綏德城監押提孤軍拒寇斬其大

酋加閩門祇候擢鄜延鈐轄進副總管從种諤攻金湯承

平川斬二千級珍善撫士卒忠樸好義本於天性

宋史本傳

程戡字勝之許州陽翟人寶元初擢陝西都轉運使進鄜

延路經畧安撫使判延州州夾河爲城雉堞頗卑小敵上

九州臺則下瞰城中戡調兵夫大增築之

宋史本傳

戡在延州

橫山西豪請以兵乘塞而自以其屬取靈夏歸中國戡奏

言諒祚數悖慢而多殺戮人人離心今其首豪如此可許

之時大臣重事不從戡久在帥閫號習邊事

隆平集

燕達字逢辰開封人爲延州巡檢戍懷寧砦夏人三萬騎

薄城戰竟日不決達所部止五百人躍馬奮擊所向披靡  
擢鄜延都監數帥兵深入敵境九戰皆勝元豐中遷金州  
觀察使加步軍都虞候改馬軍超授副都指揮使以訓閱

精整數被詔獎

宋史本傳

胡田字雲從奉新人元豐間參鄜延副總管曲珍軍事敗  
夏人於金湯以功進忠訓郎左殿班直

人物志

薛奎字宿藝絳州正平人舉進士第一爲陝西轉運使趙  
德明言延州蕃落侵其地黑林平下詔按驗奎閱郡籍德  
明嘗假道黑林平移文錄示之德明遂伏改戶部郎中知  
延州趙元昊每遣使至京師請奉予吏因市禁物隱關算

爲姦利李廉得狀請留蜀道緣帛於關中轉致給之

宋史本傳

郭達字仲通其先自邢徙洛治平二年出領陝西宣撫使  
神宗卽位徙鎮鄜延種諤受鬼名山降取綏州夏人遂殺  
楊定朝論以邊釁方起欲棄綏達曰虜旣殺王官而又棄  
綏不守見弱已甚且名山舉族來歸當何以處旣而夏人  
欲以塞門安遠二砦不可與乃寢其請夏人又求以亡命  
景詢易名山達曰詢庸人也何所輕重受之則名山不得  
不還自是蕃酋無復敢向化矣達詢得殺楊定者姓名謀  
告將斬之於境以謝罪達曰是且梟死囚以給我報曰必  
執李崇貴韓道喜來夏人言殺之矣達命以二人狀貌物

色詰問虜情得乃執獻之神宗嘗訪八陣遺法達爲帝論  
其詳在延安時使以教兵久不就達擇諸校習金鼓屯營  
者六十四人使人教一隊頃刻而成尤善用偏裨每至所  
部令人自言所能暇日閱按之故臨陣者皆盡其技宋史本傳  
劉昌祚字子京真定人永興軍鈐轄徙知延州時永樂方  
陷士氣不振昌祚先修馬政合軍中校技擊優者乃給馬  
自義合至德靖砦綿亘七百里堡壘流密不齊烽燧不相  
應昌祚度屯成險易地望遠近事力强弱立爲定式上諸  
朝夏人寇塞門安遠砦出師拒之殺其統軍葉悖麻咩吡  
埋二人蓋始謀攻永樂者圖其形以獻帝喜遣近侍勞軍

宋史  
本傳

沈括字存中錢塘人以龍圖閣待制出知延州至鎮悉以別賜錢爲酒命廛市良家子馳射角勝有軼羣之能者自起酌酒以勞之邊人歡激越歲得徹札超乘者千餘皆補中軍義從威聲雄他府朝廷出宿衛師來戍賞賚至再不及鎮兵括以爲衛兵雖重而無歲不戰者鎮兵也不均且名亂乃藏敕書而矯制賜緡錢數萬以驛問詔報之曰此右府頒行之失非卿察事機必擾軍政自是事不暇請者皆專之种諤師次五原糧餉不繼殿直劉歸仁率衆南奔居民怖駭括出東郊問曰副都管遣汝歸取糧上者爲何

人曰在後卽諭令各歸屯未旬日潰卒盡還括出按兵歸  
仁至括曰汝歸取糧何以不持軍符歸仁不能對斬以狗

宋史  
本傳

陳淬字君銳興化軍莆田人紹聖初挾策西遊時呂惠卿  
帥鄜延淬戎服往見惠卿問相見何事淬曰大丈夫求見  
大丈夫又何事惠卿器之補三班奉職與西人接戰於烏  
原手殺十餘人擒其砮主奏爲左班殿直鄜延路兵馬都

監

宋史  
本傳

折可適

雲中人克  
行從子

鄜延郭達薦試廷中補殿侍隸延州從

种諤出塞遇敵索鬪斬其首取馬而還益知名米脂之役

與夏人戰三角嶺得級多又敗之於蒲桃谷東兵久不得  
食籍籍軍門或欲掩殺以爲功可適曰此飢耳非叛也單  
馬出詰之曰爾輩何不爲父母妻子念而甘心爲異域鬼  
耶皆回面聲喏流涕謝再生各遣歸羌夏人十萬入寇可  
適先得其守烽卒姓名詐爲首領行視呼出盡斬之烽不  
傳因卷甲疾趨大破之於尾丁磴回次檉楊溝正午駐營  
敵軍來可適所部纔八千轉戰至高嶺廼從間道趨洪德  
設伏邀其歸路敵至伏發衝之其國母踰山而遁焚棄輜  
重衆相蹈藉赴崖澗死者如積論前後功至皇城使

宋史折德



趙高字公才邛州依政人第進士郭達宜撫陝西辟寧機  
宜文字种諤擅納綏州降人數萬朝廷以其生事議誅諤  
反故地歸降人以解仇釋兵又徙建帥卹綏高移書執政  
請存綏州以張兵先規度大理河川建堡寨畫稼穡之地  
三十里以處降者若棄綏不守則無以安新附之衆朝廷  
從之活降人數萬熙寧初夏人誘殺知保安軍楊定等既  
而請和朝廷欲因使納塞門安遠二砦而還綏州高言綏  
實形勢之地宜存綏以觀其變計之得也神宗然之遷提  
點陝西刑獄韓絳宜撫陝西河東兵西討高言大兵過山  
界皆砂磧乏水草又無險隘可以控扼今若乘兵威招誘

山界人戶當先經畫山界控扼之地然後招降不爾勞師  
遠攻未見其利絳納種諤之策遂城囉兀以高權宣撫判  
官加知延州夏自失綏意未能已高揣知其情奏言夏使  
請和必欲窺綏界願聽本路經畧司分查明年遂用高策  
以綏爲綏德城初鄜延地皆荒瘠占田者不出租賦倚爲  
蕃蔽寶元用兵後凋耗殆盡其曠土爲諸酋所有高因聽  
自募丁家使占田充兵諸酋感服歸募悉補亡籍又檢括  
境內公私閒田得七千五百餘頃募騎兵萬七千高以異  
時蕃兵提空簿漫不可考因議湮其手屬歲饑高分蕃兵  
願刺手者貸常平穀一斛於是人人願刺因訓練以時精

銳過正兵神宗聞而嘉之復帥延安元祐初梁乙埋數擾邊高知夏將入侵檄西路將劉安李儀以輕兵襲洪州夏遂入貢既而以重兵壓境諸將亟請益戍兵爲備高徐諭之曰第謹斥堠無爲寇先因遣人詰夏夏兵遂去

宋史本傳

种諤字子正延帥陸誦薦知青澗城夏將嵬名山部落在故綏州其弟夷山先降諤使人因夷山以誘之賂以金孟名山小吏李文喜受而許降名山未知也諤悉起所部兵長驅而前圍其帳名山驚援槍欲鬪夷山呼曰兄已約降何爲如是文喜因出所受金孟示之名山投槍哭遂舉衆從諤而南得酋領三百戶萬五千兵萬人遂城綏州韓絳

宜撫陝西用爲鄜延鈐轄徙鄜延副總官上言夏主秉常  
爲其母所囚可急擣其巢穴帝以爲經畧安撫副使諸將  
悉聽節制諤率本路并畿內七將兵攻米脂未下夏兵八  
萬來援諤禦之無定川伏兵發斷其首尾大破之降守將  
令介訛遇捷開帝大喜遣中使諭獎後知延州卒諤善馭  
士卒臨敵出奇敵畏其敢戰故數有功

宋史种  
世衡傳

陸誥字介夫餘杭人進士爲天章閣待制知延州

宋史

种世衡字仲平洛陽人放之兄子也歷同州鄜州判官西  
邊用兵世衡建言延安東北二百里有故寬州請因其廢  
壘而興之以當寇衝右可固延安之勢左可致河東之粟

北可圖銀夏之舊朝廷從之命董其役夏人屢出爭世衛且戰且城之然處險無泉議不可守鑿地百五十尺始至於石石工辭不可穿世衛命屑石一畚騰百錢卒得泉城成賜名青澗城遷內殿崇班知成事開管田二千頃募商賈貸以本錢使通賞贏其利城遂富實間出行部族慰勞其首領或解與所服帶嘗會客飲有得敵情來告者卽以飲器予之繇是屬羌皆樂爲用再遷洛苑副使知環州嘗課吏民有過失者使之射射中則釋其罪有辭某事請某事輒因中否而與奪之人人自厲皆精於射繇是數年敵不敢近遠東染院使環慶路兵馬鈐轄范仲淹檄令與蔣

借築細腰城世衡時臥病卽起將所部甲士晝夜興築城  
成而卒世衡在邊數年積穀通貨所至不煩縣官益兵增  
餉善撫養士卒病者遣一子傳視其食飲湯劑以故得人  
死力及卒羌人朝夕臨者數日青澗及環州皆畫像祠之  
子詰謬診皆有將材關中號曰三神誼其幼子也孫朴師

道師中

宋史本傳

神誼字壽翁

世衡子

知鄜州夏人犯延安趙鼎使誼統諸將

敵聞誼至皆潰去延人謂得誼勝精兵二十萬

宋史神誼傳

范純粹

仲淹子

字德孺元豐中爲陝西轉運判官時五路出

師伐西夏高遵裕以劉昌祚後期欲按誅之昌祚憂患臥

病其靡下皆憤焉純粹恐兩軍不協致生他變勸遵裕往  
問昌祚疾其難遂解神宗責諸將無功謀欲再舉純粹奏  
關陝事力單竭公私大困若復加騷動根本可憂異時言  
者必職臣是咎臣寧受盡言之罪於今日神宗納之宋史范仲  
淹純粹守延安嘗大閱百姓入教場觀者皆不禁俄而騎  
出兩翼圍之命觀者皆列坐五人結一保已而有十許人  
皆無保呼使前問故叩頭曰夏國之人也復問曰爾國使  
爾來覘我乎曰然因令坐帳前而後閱試技藝迨暮而畢  
復呼問之曰吾之兵不亦精乎曰然曰歸語爾主吾在此  
有以相待欲爲寇者幸早來飲食而遣之世言文公三子

各得其父一體蓋長子忠宣得其德量中子右丞純禮夔

邛邛

更得其文學德孺得其將畧也邊人至今畏服焉

史吉延州指揮夏人猝至塞主押監引兵欲匿山中候敵

賈志

去復歸吉曰如城中百姓芻糧何吉不敢從塞主押監慙  
懼而返卒以完城  
賈志  
賈途葦城人隸拱聖爲卒遷秦鳳路鈐轄徙并代路專主  
管麟府軍馬熟戶散處邊關苦於寇畧遠差度遠近聚爲  
二十七堡次第相望自是害息畫鐵爲的激種家使射皆  
成勁兵一夕烽火屢發左右白當起達臥不應且而謂人  
曰此必妄也脫有警可夜出乎徐問之果邊人燭遣物也



復徙秦鳳遷馬軍副都指揮使總郵延兵延州舊有夾河  
兩城始元昊入寇據險城幾不能守達相伏龍山九州臺  
之間可容窺覘請於其地築堡障與城相望延人以爲便

宋史  
本傳

錢卽字中道吳越王諸孫第進士辟郵延幕府崇寧中爲  
陝西轉運判官王師復銀州轉餉最劬徽宗名對願救邊臣  
先爲不可勝以待變瀚海地皆曷鹵得之無所用帝然之  
除知延安府童貫宣撫陝西時長安百物踴貴錢幣益輕  
貫欲力平之計司承望風旨取市價率減什四違者重置  
於法民至罷市又行均糴法賤入民粟而高金帛佑以償

下至募兵射士之有田者咸被抑配關內騷然卽屢抗章  
極陳其害貶永州團練副使羅害亦寢

宋史錢惟演傳

陶節夫字子禮鄱陽人第進士崇寧初遷陝西轉運副使  
徙知延安府招降羌有功築石堡等四城石堡以天澗爲  
隍可趨者惟一路夏人嘗粟其間以千數旣爲宋有其首  
驚曰漢家取我金窟塢亟發鐵騎來爭節夫分部將士遮  
禦之斬獲統軍以下數十百人擢顯謨閣待制龍圖閣直  
學士方議城銀州諫告夏人已東節夫料必西趨涇原遣  
裨將耿端彥疾驅至銀州五日城成夏人果從涇原至則  
城備已固送遁去進樞密直學士歷知永興軍卒

宋史本傳

劉法郎延帥有材畧時論名將必以法爲首後沒於兵士

大夫惜之

馬志

魏彥明開封人通判延安府建炎二年金人陷府東城而  
西城猶堅守自是金兵專圍西城初受圍時彥明與權府  
事劉選分地而守彥明當東壁空家貲以賞戰士金人晝  
夜攻城圍十有三日城陷彥明坐城樓上金人併其家執  
之諭使速降彥明曰吾家食宋祿犬輩使背吾君乎婁宿

怒殺之詔贈中大夫

宋史本傳

孔平仲臨江新喻人字義甫登進士第徽宗立提舉陝西

路刑獄帥郎延

宋史本傳

徽宗時自陝西轉運使徙知延安府

以經術備吏事待羌人以威信甚有治狀

舊志

王庶字子尚慶陽人舉進士第高宗卽位除郾延經畧使兼知延安府累立戰功進龍圖閣待制節制陝西六路軍馬東京留守宗澤承制以庶權陝西制置使會金人大入庶調兵自沿河至馮翊據險以守金人先已乘冰渡河犯晉寧侵丹州又渡清水河破潼關秦隴皆震庶傳檄諸路會期討賊金人併兵寇郾延庶在坊州聞之夜趨郾延以遏其衝金人詭道陷丹州遂陷延安以失律自劾罷張浚自富平敗歸始思庶可用乃名之庶至力陳撫秦保蜀之策勸浚收熙河秦鳳之兵扼關隴爲後圖浚不納紹興五

年起復知興元府庶以士卒單寡繕興洋諸邑強壯兩下  
取一三丁取二號義士日閱於縣月閱於州厚犒之不半  
年有兵數萬陞徽猷閣直學士

宋史本傳

郭浩字克道隴千人建炎二年權主管鄜延路經畧安撫  
時二敵交侵鄜延東皆金人西北卽夏境其屬朝廷者惟  
保安一軍德靜一砦浩間道之德靜置司招收散亡與敵  
不能犯張浚經畧陝西移知鳳翔府寓治寶雞縣又退保  
和尚原金人抵原下浩與吳玠隨方捍禦第功遷正任防  
禦使紹興元年金人破饒風嶺盜梁洋入鳳州攻和尚原  
浩與吳玠往援斬獲萬計遷邠州觀察使徙知興元府饑

民聚米倉山爲亂浩討平之徙知金州金州殘弊特甚戶口無幾浩招輯流亡開營田以其規置頒示諸路他軍以匱急仰給朝廷浩獨積贏錢十萬緡以助戶部朝廷嘉之九年充陝西宣諭使知金州十一年金人內侵浩裨將設伏破之十四年分利州爲東西路以浩爲金房開達州經畧安撫使屯金州仍建帥府十五年卒謚恭毅

宋史本傳

金

婁室字幹里衍完顏部人太祖使婁室取陝西下同華二州克京兆府獲宋制置使傅亮遂克鳳翔丹州破臨真進克延安府降綏德軍及靜邊懷遠等城塞十六宋安撫使

折可求以麟府豐三州及堡寨九降於婁室遂破晉寧軍  
并降鄜坊二州於是婁室守延安延安鄜坊州皆殘破人  
民存者無幾婁室置官府輯安之京兆府叛婁室復討平  
之遂攻乾州州降進克邠州軍於京兆睿宗與張浚戰於  
富平宗弼左翼軍已却婁室以右翼力戰軍勢復振張浚  
軍遂敗睿宗曰力疾廕戰以徇王事遂破巨敵雖古名將  
何以加也天會八年薨贈金源郡王謚莊義

金史本傳

傅慎微字幾先其先秦州沙溪人後徙建昌慎微遷居長  
安宋末登進士宗弼取河南地起爲陝西經畧使尋權同  
節度使事明年陝西大旱饑死者十七八以慎微爲京兆

郎延路經濟使許以便宜慎徵募民入粟得二十餘萬石  
立養濟院餉餓者全活甚衆改同知京兆尹權陝西諸路  
轉運使復修三白龍首等渠以溉田募民屯種貸牛及種  
子以濟之民賴其利

金史本傳

把胡魯貞祐四年知京兆府事兼本路兵馬都總管興定  
元年授陝西路統軍使兼前職四年權尚書右丞左副元  
帥府於京兆時陝西歲運糧以助關東民力寢困胡魯言  
以舟楫自渭入河順流而下庶可少紓民力從之時以爲  
便五年正月朝議欲復取會州胡魯上言計月當費米三  
萬石草九萬秤轉運丁夫十餘萬人今農事將興沿邊常



費已不暇給豈可便調十萬餘人以餉此軍止宜令承裔  
軍護民耕稼俟敵意怠然後取之詔從之三月上言陝西  
州郡置帥府者九部衆卒不過三四千長校猥多虛糜廩  
給延安鳳翔邊隅重地固當仍舊德順等處宜皆罷去制  
可是年西北兵三萬攻延安胡魯遣元帥完顏合達元帥  
納合買住禦之遂保延安元光元年正月罷知河中府事  
二年正月上諭宰臣曰陝右兵將退當審後圖右承胡魯  
深悉彼中利害其與共議之尋遣往陝西與行省養不合

達從宜規畫焉

金史本傳

李芳字執剛大興人承安二年進士歷乾坊兩州刺史精

於吏事累以廉能進秩

中州集

古里甲石倫隆安人貞祐中知延安府兼鄜延路兵馬都

總管

金史本傳

深沉有謀能得士心

溫通罕達傳

完顏六斤中都路胡土愛割蠻猛人除保大軍節度使與定五年鄜州破六斤自投崖下死焉贈特進知延安府事

詔陝西行省訪其子孫以聞

金史本傳

完顏合達名瞻字景山興定二年知延安府事兼鄜延路兵馬都總管三年夏人犯通秦合達出兵擊之四年爲元帥右都監屯延安十月夏人攻綏德州合達將兵敗之五年五月知延安府事兼前職十一月夏人攻安塞堡合達

夜其管夏人大潰元光元年權叅知政事行省事於京  
兆未幾真拜北兵既破葭州合達率兵復取之正大二年  
陝西旱甚合達齋戒請雨雨對是歲大稔民立石頌德延  
安既殘毀合達招集散亡助其耕墾自是延安之民稍復  
耕稼之利

金史本傳

慶山神木人守延州夏人自天會初與金議和八十餘年  
未嘗交兵及爲元兵所攻求救於金金主新立不暇遣兵  
夏人遂侵葭州慶山擊敗之而去

賈志

烏古論慶壽河北西路猛安人歷同知延安府貞祐四年  
遷元帥右監軍兼陝西統軍使駐兵延安敗夏人於安塞

堡戰於鄜州之倉曲谷有功

金史本傳

楊沃衍一名幹烈賜姓兀林答朔州靜邊官莊人貞祐三年奉旨屯涇邠隴三州沃衍分其軍九千人爲十翼五都統親統者十之四興定元年詔陝西行省代宋沃衍將兵至岐山堡斬首四百級生獲十人馬二百疋甲仗不勝計尋復得散關詔遷官一階三年武休關之捷沃衍功居多詔特遷一官元光二年春北兵遊騎數百掠延安而南沃衍率兵追之戰於野猪嶺獲四人而還俄而兵大至駐德安寨復擊走之未幾元兵攻鳳翔還道出保安沃衍遣提控完顏查刺破於石樓臺前後獲馬二百疋印數十詔有

司論賞時元兵聲勢益振行省檄沃衍清野不從曰若清野明年民何所得食遂使民畢麥事初元兵破西夏長驅而至闕輔千里洶洶不安沃衍與部將劉興哥率兵往來邪龍間屢戰屢勝故元兵粹不能東下

金史本傳

元

李忽蘭吉一名庭玉隴西人至元十四年授延安路管軍招討使秃魯叛於六盤山忽蘭吉以延安路軍會別速台趙炳及總帥府兵於六盤敗秃魯俘其孥還授京兆延安鳳翔三路管軍都尉兼屯田守衛事二十三年以老病乞歸元貞二年入覲授陝西等處行中書省右丞議本省公

事卒謚襄敏

元史本傳

趙匡刺者始以父任爲千戶佩金符擢爲東川路先鋒使兼管京兆延安兩路新軍戍東安虎嘯山後於瀘州戰死別吉連上都宜興人至大四年陝西延安諸翼衛探馬赤爭草地訟者二百餘起命往究之悉正其罪

元史本傳

商挺字孟卿曹州濟陰人其先本姓殷氏避宋諱改爲楊惟中宣撫關中挺爲郎中兵火之際入州十二縣戶不滿萬皆驚擾無聊挺中惟中進賢良黜貪暴明尊卑出淹滯定規程主簿責印楮幣頒奉祿務農薄稅通其有無期月民乃安誅一大猾羣吏咸懼且請減關中常賦之半明年

惟中罷廉希憲來代陞挺爲宣撫副使丙辰徵京兆軍需  
布萬疋米三千石帛三千段械器稱是輸平涼軍期迫甚  
郡人大恐挺曰他易集也運米千里妨我蚕麥郡長王姓  
者平涼人也挺名與謀對曰不煩官運僕家有積粟請以  
代輸挺大悅載價與之他輸亦如期世祖卽位改宣撫爲  
行中書省挺爲僉行省事九年立皇子忙哥爲安西王立  
王相府以挺爲王相十四年詔王北征挺曰延安民兵數  
千宜使李忽蘭吉練習之以備不虞未幾禿魯叛以延安  
兵應敵果獲其力

元史  
本傳

元本武陟人至正間進士除邠州判官攝襄城安塞二縣

尹俱有治績

萬姓統譜○按外州志職官不載